

**საჯარო სამართლის იურიდიული პირის – ივანე ჯავახიშვილის სახელობის
თბილისის სახელმწიფო უნივერსიტეტის დამხმარე სამეცნიერო ერთეული -
„ჩერქეზული (ადიღური) კულტურის ცენტრის“ დებულება**

მუხლი 1. ზოგადი დებულებანი

1. სსიპ - ივანე ჯავახიშვილის სახელობის თბილისის სახელმწიფო უნივერსიტეტის (შემდგომში - „უნივერსიტეტი“) „ჩერქეზული (ადიღური) კულტურის ცენტრი“ (შემდგომში - „ცენტრი“) წარმოადგენს უნივერსიტეტის დამხმარე სამეცნიერო ერთეულს.
2. ცენტრი საკუთარი კომპეტენციის ფარგლებში ხელმძღვანელობს საქართველოს კანონმდებლობით, უნივერსიტეტის წესდებით, უნივერსიტეტის სამართლებრივი აქტებითა და წინამდებარე დებულებით.
3. ცენტრს აქვს ბლანკი, რომლის გამოყენება უნდა მოხდეს ცენტრის დირექტორის მიერ კანონმდებლობითა და უნივერსიტეტის სამართლებრივი აქტებით დადგენილი წესით.

მუხლი 2. ცენტრის მიზნები, ფუნქციები და საქმიანობის საგანი

1. ცენტრის მიზანია:

- ა) საქართველოსა და კავკასიის ერებს შორის სამეცნიერო კვლევების, კულტურულ და საზოგადოებრივ საკითხებზე ურთიერთთანამშრომლობის ინიცირება და მხარდაჭერა;
- ბ) კავკასიის რეგიონის კულტურის, ისტორიის, საზოგადოების, ეკონომიკისა და პოლიტიკის შესწავლა და, შესაბამისად, ცოდნის პოპულარიზაცია;
- გ) ქართველი და კავკასიელი ერების დაახლოება, მათი კულტურის განვითარება და პოპულარიზაცია;
- დ) კავკასიის ერებს შორის დიალოგის, ურთიერთთანხმობისა და თანამშრომლობის მხარდაჭერა.

2. აღნიშნული მიზნის მისაღწევად ცენტრი, კანონმდებლობითა და უნივერსიტეტის შიდასამართლებრივი აქტებით განსაზღვრული წესით, აწყოფს:

- ა) კონფერენციებს, შეხვედრებს, სიმპოზიუმებს, სემინარებს, ლექციებს და სხვა

საგანმანათლებლო და სამეცნიერო ღონისძიებებს;

ბ) გამოფენებს, კონცერტებს, ფესტივალებს და სხვა კულტურულ ღონისძიებებს;

გ) კავკასიის სხვადასხვა ერების დიასპორულ ორგანიზაციებთან და კულტურულ ცენტრებთან ერთად ახორციელებს კულტურულ-საგანმანათლებლო პროექტებს;

დ) ხელს უწყობს კავკასიის შესახებ ცოდნის პოპულარიზაციას, რეგიონის შესახებ ინფორმაციის გავრცელებას, კავკასიურ მედია საშუალებებთან თანამშრომლობას.

3. ცენტრს უფლება აქვს:

ა) კანონმდებლობითა და უნივერსიტეტის შიდასამართლებრივი აქტებით განსაზღვრული წესით, ითანამშრომლოს უცხოეთის მონათესავე საზოგადოებრივ და სამეცნიერო ცენტრებთან;

ბ) კანონმდებლობითა და უნივერსიტეტის შიდასამართლებრივი აქტებით განსაზღვრული წესით, ჩაატაროს სამეცნიერო სესიები და სემინარები;

გ) კანონმდებლობითა და უნივერსიტეტის შიდასამართლებრივი აქტებით განსაზღვრული წესით, მოაწიოს გამოფენები, კონფერენციები, როგორც ქვეყნის შიგნით, ასევე მის ფარგლებს გარეთ;

დ) კანონმდებლობითა და უნივერსიტეტის შიდასამართლებრივი აქტებით განსაზღვრული წესით, მოაწიოს და მონაწილეობა მიიღოს შესაბამის ღონისძიებებში როგორც საქართველოში, ისე საზღვარგარეთ;

ე) კანონმდებლობითა და უნივერსიტეტის შიდასამართლებრივი აქტებით განსაზღვრული წესით, მიიღოს სტაჟიორები;

ვ) კანონმდებლობითა და უნივერსიტეტის შიდასამართლებრივი აქტებით განსაზღვრული წესით, განახორციელოს სხვა ნებადართული საქმიანობა.

მუხლი 3. ცენტრის მართვა და სტრუქტურა

1. ცენტრის მართვის ორგანოა ცენტრის ხელმძღვანელი (დირექტორი), რომელსაც თანამდებობაზე ნიშნავს უნივერსიტეტის რექტორი 4 წლის ვადით.

2. ცენტრის დირექტორი:

ა) ხელმძღვანელობს ცენტრის საერთო საქმიანობას და პასუხისმგებელია ამ საქმიანობის კანონიერებასა და ეფექტურობაზე;

ბ) კანონმდებლობითა და უნივერსიტეტის შიდასამართლებრივი აქტებით

განსაზღვრული წესით, შეიმუშავენ ცენტრის წლიური დაფინანსებისა და ხარჯების პროექტს და წარუდგენს ადმინისტრაციის ხელმძღვანელს;

ბ) მოქმედი კანონმდებლობისა და წინამდებარე დებულების შესაბამისად, ზედამხედველობს ცენტრისათვის განკუთვნილ ქონებას და საფინანსო სახსრებს, პასუხისმგებელია მათ კანონიერ გამოყენებაზე;

გ) ადგენს ცენტრის საშტატო ნუსხისა და სახელფასო ფონდის პროექტს და წარუდგენს უნივერსიტეტის ადმინისტრაციის ხელმძღვანელს უნივერსიტეტის საშტატო განრიგსა და სახელფასო ფონდში გათვალისწინების მიზნით;

დ) განიხილავს და განსაზღვრავს ცენტრის საქმიანობის პოლიტიკას, ძირითად მიმართულებებსა და ზედამხედველობას უწევს ამ მიმართულებათა განხორციელებას;

ე) კანონმდებლობითა და უნივერსიტეტის შიდასამართლებრივი აქტებით განსაზღვრული წესით, ადგენს ცენტრის დებულების/დებულების ცვლილებების პროექტს და განსახილველად წარუდგენს აკადემიურ საბჭოს;

ვ) კანონმდებლობითა და უნივერსიტეტის შიდასამართლებრივი აქტებით განსაზღვრული წესით, განიხილავს და ამტკიცებს გრანტის მოსაპოვებლად ცენტრის სახელით მომზადებული პროექტების თემატიკას და პროექტების დონეს, აგრეთვე საქართველოს და უცხოეთის სხვა დაწესებულებებთან თანამშრომლობის საკითხებს;

ზ) კანონმდებლობითა და უნივერსიტეტის შიდასამართლებრივი აქტებით განსაზღვრული წესით, იღებს გადაწყვეტილებებს კონფერენციებზე, სემინარებზე თუ სხვა სახის ღონისძიებებზე ცენტრის წარმომადგენლის წარგზავნის შესახებ;

თ) კანონმდებლობითა და უნივერსიტეტის შიდასამართლებრივი აქტებით განსაზღვრული წესით, უფლებამოსილია დასვას საკითხი თანამშრომლების მიმართ წახალისებისა და დისციპლინური პასუხისმგებლობის ზომების გამოყენების თაობაზე;

ი) თავისი უფლებამოსილების ფარგლებში გამოსცემს ინდივიდუალურ ადმინისტრაციულ-სამართლებრივ აქტებს;

კ) კოორდინაციას უწევს ცენტრში განხორციელებად სამეცნიერო პროექტებს;

ლ) კანონმდებლობითა და უნივერსიტეტის შიდასამართლებრივი აქტებით განსაზღვრული წესით, ამყარებს კავშირებს უნივერსიტეტის გარეთ - როგორც ადგილობრივ სამეცნიერო ინსტიტუციებთან, ისე საზღვარგარეთის სამეცნიერო ცენტრებთან;

მ) უნივერსიტეტის რექტორსა და ადმინისტრაციის ხელმძღვანელს, წარუდგენს

ყოველწლიურ ანგარიშს გაწეული მუშაობის შესახებ.

3. ცენტრის დირექტორის თავის მოვალეობათა შესრულების დროებით შეუძლებლობის შემთხვევაში (მივლინება, შვებულება და სხვ.), დირექტორის მოვალეობას ასრულებს დირექტორის მოადგილე.

4. ცენტრისათვის უნივერსიტეტის საშტატო განრიგით გათვალისწინებული თანამდებობათა დასახელებებია: ცენტრის დირექტორი, ცენტრის დირექტორის მოადგილე, მკვლევარი, სპეციალისტი.

მუხლი 4. ცენტრის ქონება და დაფინანსება

1. თავის ფუნქციათა სრულფასოვნად განსახორციელებლად უნივერსიტეტი ცენტრს უზრუნველყოფს სათანადო მატერიალურ-ტექნიკური ბაზით.

2. ცენტრის დაფინანსების წყაროებია:

ა) სახელმწიფო ბიუჯეტიდან ცენტრისათვის მიზნობრივად გამოყოფილი ყოველწლიური დაფინანსება;

ბ) გრანტებით მიღებული შემოსავალი;

გ) შემოწირულობები;

დ) საქართველოს კანონმდებლობით ნებადართული სხვა შემოსავლები.

3. ცენტრის საქმიანობით მოზიდული სახსრები ხმარდება ცენტრისათვის ამ დებულებით განსაზღვრულ მიზნებს.

მუხლი 5. ცენტრის რეორგანიზაცია და ლიკვიდაცია

ცენტრის რეორგანიზაცია ან ლიკვიდაცია ხორციელდება მოქმედი კანონმდებლობის შესაბამისად.

მუხლი 6. ცენტრის დებულებაში ცვლილებებისა და დამატებების შეტანის წესი

ცენტრის დებულებაში ცვლილებებისა და დამატებების შეტანა ხორციელდება საქართველოს კანონმდებლობით დადგენილი წესით.